



OSTER PUKK OG SAND AS
Eikemovegen 3
5994 Vikanes

Sakshandsamar::

Silje Tingstad

Inspeksjonsrapport

Inspeksjon ved Oster Pukk og Sand AS

Kontrollnummer: 2019.093.I.FMVL

Kontaktpersonar ved inspeksjonen:

Frå verksemda:

Egil Kvingedal, Jan Øyvind Jørgensen, Harald
Marthinussen, Jarle Skår, Torbjørn Wergeland og
Marie Skipenes Larsen

Frå Fylkesmannen i Vestland:

Silje Tingstad og Mari Katrine Berg

Resultat frå inspeksjonen

Denne rapporten gjeld resultatet frå inspeksjon ved Oster Pukk og Sand AS
10. september 2019. Rapporten er å sjå på som endeleg dersom vi ikkje får tilbakemelding
om faktiske feil innan to veker etter at rapporten er motteken.

Fylkesmannen i Vestland avdekka 3 avvik under inspeksjonen. Fylkesmannen ser alvorleg på
avvik 2 om utslepp til vatn.

- Lagring av farleg avfall er ikkje i samsvar med forskrifta
- Verksemda stettar ikkje krav til utslepp til vatn
- Verksemda har ikkje sendt inn oppdatert avfallsplan for Eikefet hamn innan fristen

Avvika er nærare omtalte frå side 4 og utover i rapporten. Oppfølginga etter inspeksjonen er
nærare omtalt på side 3.

Elektronisk dokumentert godkjenning, utan underskrift

Silje Tingstad
overingeniør

Mari Katrine Berg
overingeniør

Kopi til: Lindås kommune

1. Informasjon om den kontrollerte verksemda

Ansvarleg eining

Namn: OSTER PUKK OG SAND AS	
Organisasjonsnr.: 973165305	Eigd av: 932307952
Bransjenr. (NACE-kode): 08.120 - Utvinning fra grus- og sandtak, og utvinning av leire og kaolin	

Kontrollert eining

Namn: Oster Pukk og Sand AS	Anleggsnr.: 1263.0011.01
Kommune: Lindås	Fylke: Hordaland
Anleggsaktivitet: Pukkverk	
Løyve gitt: -	Sist endra: -

2. Bakgrunn for inspeksjonen

Inspeksjonen vart gjennomført for å kontrollere om gjeldande krav som er fastsette i eller med heimel i forureiningslova blir overhaldne. Inspeksjonen er ei oppfølging etter tilsyn i 2018.

Tilsynet vart gjennomført i medhald av forureiningslova § 48.

Inspeksjonstema

- Internkontroll
- Prosess og reinseutstyr
- Utslepp til luft
- Utslepp til vatn
- Sediment og grunnforureining
- Avfall
- Kjemikalier

Rapporten gjeld avvik og merknader som vart avdekka under inspeksjonen. Han gir ingen fullstendig tilstandsvurdering av miljøarbeidet eller miljøstatusen til verksemda.

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

3. Oppfølging etter inspeksjonen

Oster Pukk og Sand AS pliktar å rette opp avvika som er omtalte i denne rapporten så snart som råd. For at Fylkesmannen skal kunne avslutte saka, ber vi om at Oster Pukk og Sand AS innan 15. desember 2019 sender ei skriftleg utgreiing som viser korleis avvik er retta og kva tiltak som er gjennomførte eller planlagde.

Vi ser alvorleg på avvik 2 som vart avdekt i denne inspeksjonen. Gjennomføringa av tiltaka kan bli følgd opp med ny kontroll.

Vi ber om at de stiler svarbrev eller e-post (fmvlpost@fylkesmannen.no) til Fylkesmannen i Vestland v/Silje Tingstad.

4. Vedtak om gebyr

Vi viser til informasjon og varsel om gebyrplikt som vart sendt til verksemda 28. august 2019. Verksemdar skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar etter forureiningslova er fastsette i forureiningsforskrifta §§ 39-7 og 39-8.

På bakgrunn av forventa ressursbruk må Oster Pukk og Sand AS betale eit gebyr på kr 19 700,- for inspeksjonen, jf. forureiningsforskrifta §§ 39-7 og 39-8. Dette svarer til gebyrsats 3 for tilsyn av inntil ein dags varigheit. Miljødirektoratet vil sende dykk ein faktura for innbetaling til statskassa. Fylkesmannen viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Fylkesmannen i Vestland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følgje, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Vestland (jf. offentleglova).

6. Avvik

Vi fann følgjande avvik under inspeksjonen:

Avvik 1

Lagring av farleg avfall er ikkje i samsvar med forskrifta

Avvik frå: Avfallsforskrifta § 11-5

Kommentarar til regelverket:

Farleg avfall skal takast hand om på forsvarleg måte. Alle som oppbevarer, transporterer eller handterer farleg avfall, skal treffe nødvendige tiltak for å unngå fare for forureining eller skade på menneske eller dyr.

Farleg avfall skal ikkje blandast saman med anna avfall. Ulike typar farleg avfall skal ikkje samanblandast dersom det kan medføre fare for forureining eller skape problem for den vidare handteringa av avfallet.

Avviket er basert på følgjande observasjonar:

Lageret for farleg avfall var plassert utandørs utan oppsamlingsarrangement for eventuell lekkasje. Noko av det farlege avfallet var dekt med presenning. Det vart opplyst at det skulle byggjast overbygg til lageret i oktober. Kasserte isolerglasruter, som kan innehalde klorparabenar, var lagra utanfor verkstaden i brotet utan skjerming. Ein kassert sprayboks låg i restavfallet. Bilbatteri var lagra utandørs fleire stader på bedriftsområdet.

Avvik 2

Verksemda stettar ikkje krav til utslepp til vatn

Avvik frå: Forureiningsforskrifta §§ 30-6, jf. 30-9 b og c

Kommentarar til regelverket:

Utslepp til vatn (§ 30-6)

I forureiningsforskrifta § 30-6 står det at prosessvatn utan miljø- eller helseskadelege stoff kan sleppast til resipient dersom maksimalkonsentrasjonen av faststoff/suspendert stoff (SS) i utsleppspunktet er under 50 mg/l og dersom utsleppet ikkje medfører nedslamming i resipienten.

Måling og berekning av utslepp (§30-9 b og c)

Verksemda skal gjennomføre representative målingar av utslepp til vatn.

For utslepp til vatn krevst dokumentasjon på at utsleppa ikkje er helse- og miljøskadelege og kva for vurderingar og/eller tiltak som er gjort for å hindre nedslamming og for å sikre resipientens tilstandsklasse.

Målingar skal vere representative for normal drift. Prøvetaking og analyse skal utførast etter Norsk Standard der slik standard finst. Anna metode kan nyttast dersom det kan dokumenterast at den metoden som blir brukt gir minst same nøyaktigheit som Norsk Standard. Prøvetaking og måling skal vere kvalitetssikra.

Avviket er basert på følgende observasjonar:

Prosessvatn renn i kanal ned mot sjø. To kantar er etablert for å redusere hastigheita på vatnet. Det var likevel synleg nedslamming av strandsona. Det var ikkje gjennomført prøvetaking for å dokumentere omfanget av utslepp til sjø.

Avvik 3

Verksemda har ikkje sendt inn oppdatert avfallsplan for Eikefet hamn innan fristen

Avvik frå: Forureiningsforskrifta § 20-6 fjerde ledd

Kommentarar til regelverket:

Avfallsplan for hamn skal evaluerast og sendast til Fylkesmannen for ny godkjenning minst kvart tredje år og ved vesentlege endringar i drifta av hamna. Godkjenning gjeld i tre år frå den datoen Fylkesmannen godkjente planen. Ved ny godkjenning må utkast til avfallsplan sendast til Fylkesmannen seinast tre månader før gjeldande godkjenning av avfallsplan går ut.

Avviket er basert på følgende observasjonar:

Verksemda sin avfallsplan vart godkjent av Fylkesmannen 21. juli 2016. Ny avfallsplan skulle vore sendt inn til Fylkesmannen innan 21. april 2019. Det er ikkje gjort.

7. Andre tilhøve

Søknad om løyve

Verksemda opplyser at dei vil søkje om løyve etter forureiningslova.

8. Dokumentunderlag

Lovgrunnlaget for inspeksjonen var:

- Forureiningslova
- Forureiningsforskrifta kapittel 30 om forureiningar frå pukkverk
- Forureiningsforskrifta kapittel 18 om tanklagring
- Forureiningsforskrifta kapittel 20 om levering og mottak av avfall og lasterestar frå skip
- Avfallsforskrifta kapittel 11 om farleg avfall